



FONDACIJA
HASTOR


2016.

20
17.

GODIŠNJI
IZVJEŠTAJ

FOND

HA



AQUA



STORY



FONDACIJA
HASTOR

5	Uvodna riječ
7	Ko smo mi
10	Proces odabira stipendista
13	Aktivnosti i rezultati 2016/2017.
15	Jedinstvenost Fondacije Hastor
19	Najvažniji događaji u školskoj 2016/2017.
25	Projekti
33	Uspješne priče naših stipendista
41	Generacija maturanata 2016/2017.
45	Učenici generacije
51	Generacija diplomanata i magistranata 2016/2017.
57	Bivši stipendisti kao stalna podrška FH
59	Uspješne priče bivših stipendista
61	Riječ učitelja
63	Pridružite nam se
65	Klub prijatelja



Poslije jedanaest godina postojanja, Fondacija Hastor prati hiljaditog bivšeg stipendistu u nove izazove, nove uspjehe i u novi život. Ako ubrajamo i trenutne stipendiste, kazat ćemo da je to blizu tri hiljade mlađih ljudi, koji su uz Fondaciju Hastor rasli, razvijali se i uspjevali. No, zbog čega sam počeo sa bivšim stipendistima?

Kroz ovaj dokument želimo da se osvrnemo na godinu iza nas, na sve ono zbog čega ponosno stojimo kao najveći investitor u znanje i mlade ljude, čijim je porodicama ta investicija od presudnog značaja. Na stranicama koje predstoje, moći ćete pročitati divne priče, priče o divnim ljudima i, nadamo se, moći shvatiti koliko je truda bilo potrebno da, nakon podvučene crte, više ne govorimo o brojevima, o danima, satima, broju medalja i diploma, već da zaključimo jednom riječju – USPJEH!

Počeo sam ovu stranu informacijom o bivšim stipendistima. Bivši stipendisti čine Fondaciju Hastor koliko i sadašnji. Učili su naporno, strastveno se zalagali za svoje znanje i držali do svog profesionalizma. Kako su bivali stariji, onda su, zajedno sa nama, učili one mlađe i bili pravi primjer

onoga gdje u životu treba biti. Oni su dokaz da se u proteklih jedanaest godina radilo i jako i jače i vrijedno i vrjednije, nego ikada i oni su dokaz da se nakon svakog izazovnog početka, u koji se uloži puno truda i ljubavi, može dosegnuti nedostizno, ispuniti misiju i postati pobjednik!

Sadašnji prijatelji, a bivši stipendisti, koji su završili svoje školovanje uz nas, su argument na osnovu kojega možemo, sa sigurnošću, da kažemo da ćemo rasti u svakom smislu i svakom pogledu, da će naših stipendista biti sve više, da će njihove ocjene biti bolje, njihove značke sjajnije, a ideje one koje mijenjaju svijet. Zbog toga hrabro stupamo u dvanaestu godinu našeg aktivnog i uspješnog rada i jače nego ikada nastojimo da napravimo promjenu i da budemo najjači bastion odbrane nauke, ideja, poduzetnosti, obrazovanja i uspjeha mlađih ljudi, s jednom rečenicom koja nam od početka osvjetljava put, čak i onda kada je najteže: OBRAZOVANJE zaista JESTE IZBOR POBJEDNIKA!



Seid Fijuljanin
Direktor Fondacije Hastor

KO SMO MI?

Fondacija Hastor je neprofitna organizacija koja djeluje na području cijele Bosne i Hercegovine. Svojim radom podržava i osnaže djecu i mlade u nastojanju da postanu pokretači pozitivnih promjena u svojim zajednicama. Fondacija se oslanja na obrazovanje kao jedinstveno sredstvo za postizanje ciljeva, te dugoročno utječe na rješavanje problema bosanskohercegovačkog društva kao što su siromaštvo, nezaposlenost te na fenomen sve češćeg odlaska mlađih, obrazovanih i stručnih kadrova u druge države. Osnovna ideja i cilj Fondacije Hastor je pružiti šansu mladima da svojim uspješnim školovanjem kao i volonterskim radom učestvuju u razvijanju lokalnih zajednica i vlastitih resursa. Stipendisti Fondacije Hastor kontinuiranim volonterskim radom doprinose razvoju i napretku Fondacije Hastor.

Fondacija Hastor je jedinstvena fondacija na području Bosne i Hercegovine. Od osnivanja ona ohrabruje i podržava osnovce, srednjoškolce i studente iz cijele Bosne i Hercegovine koji naporno rade, pokazuju snažnu volju za ostvarenjem uspjeha, imaju potrebu za finansijskom podrškom, te su spremni kroz obrazovanje unaprijediti svoj život i živote drugih. Osim što pruža podršku talentovanoj djeci i omladini, Fondacija Hastor poseban akcenat stavlja na mlade ljudе koji žive na margini bosanskohercegovačkog društva, a koji posjeduju izuzetan potencijal koji nisu u mogućnosti ostvariti uslijed teške socio-ekonomske situacije u kojoj se nalaze.

Nakon 11 godina rada bilježimo rekordan broj stipendista – čak 1714 stipendista u školskoj 2016/17. godini. Kako se broj stipendista iz godine u godinu povećava, vjerujemo da ćemo uz sve veću podršku prijatelja Fondacije Hastor i novu školsku/akademsku godinu započeti s još većim brojem stipendista.



FONDACIJA
HASTOR

1714

stipendista

675

787

srednjoškolaca

252

718

odlikaša

251

41

diplomant i magistrant

250.000

1200

bivših stipendista

obrazovnih institucija u

375

uspostavljena
saradnja sa

105

općina

PROCES ODABIRA STIPENDISTA

Fondacija Hastor tokom cijele godine prima molbe za stipendije od učenika osnovnih i srednjih škola u Bosni i Hercegovini, kako pismeno, tako i elektronskim putem (preko online obrasca na web-stranici Fondacije Hastor). Molbe sadrže kontakte aplikantata, kratak opis socio-ekonomske situacije iz koje dolaze aplikanti kao i informacije o postignutom uspjehu u školi. Obrada pristiglih molbi vrši se jednom godišnje, u periodu februar/mart nakon čega se aplikantima šalje zahtjev koji

trebaju popuniti kupa s pratećom dokumentacijom koja može posvjedočiti o iskazanoj ekonomskoj situaciji i ostvarenom školskom uspjehu. Prikupljeni podaci se unose u softver koji automatski kreira rang listu kandidata. Nakon toga, tim Fondacije Hastor posjećuje kandidate s najvećim brojem bodova. Nakon izvršene provjere stanja na terenu, stipendije se dodjeljuju određenom broju kandidata u ovisnosti od predviđenog budžeta za datu školsku godinu.

Studenti mogu postati stipendisti Fondacije Hastor ukoliko Fondacija Hastor objavi javni konkurs za prijem novih studenata. Konkurs se objavljuje u periodu oktobar/novembar tekuće godine. Prijavljanje na konkurs se vrši isključivo online prijavom bez dostavljanja dokumentacije. Softver automatski kreira rang listu kandidata na osnovu uspjeha na fakultetu te ekonomske situacije u porodici. Kandidati s najvećim brojem bodova su pozvani na intervju s članovima Komisije za dodjelu stipendija.

01

2516 pristiglih molbi

02

Pregled molbi

03


Zasjedanje komisije

04

2430 poslatih obrazaca
za stipendije

05

1300 pristiglih obrazaca



09

327 novih stipendista

07

Bodovanje obrazaca

06

Unos obrazaca u bazu

08

Obilazak **357** kandidata sa
najvećim brojem bodova

AKTIVNOSTI I REZULTATI ZA 2016/17.

SEPTEMBAR

Svečana akademija povodom 10 godina postojanja Fondacije Hastor.

Potpisivanje ugovora o stipendiranju s osnovcima i srednjoškolcima za 2016/17. godinu.

OKTOBAR

Potpisivanje ugovora o stipendiranju sa studentima.

Konferencija TEDxStariGrad u čijoj su organizaciji učestvovali Fondacija Hastor i IASTE LC Sarajevo u saradnji s partnerima.

NOVEMBAR

Odabранo 21 novih stipendista studenata koji su aplicirali preko konkursa koji je objavljen.

MART

Selekcija učenika za projekat „Ljetni raspust u Holandiji“ s područja Živinica.

APRIL

Uspješno završen drugi ciklus TAKT akademije – 51 polaznik dobio priliku za zaposlenje.

Slanje obrazaca za stipendiju.

MAJ

Bodovanje obrazaca i obilazak kandidata.

DECEMBAR

Raspoređivanje studenata po lokalnim zajednicama.

Volonterske aktivnosti studenata u lokalnim zajednicama.

JANUAR

Organizacija TAKT akademije.

Selekcija kandidata za TAKT akademiju.

FEBRUAR

Započet drugi ciklus TAKT akademije.

Veliki polugodišnji sastanak sa studentima stipendistima.

Kraj školske godine.

Projekat „Ljetni raspust u Holandiji“.

JUNI

Kraj akademske godine.

Fondacija Hastor partner izložbe Mersada Berbera.

JULI

Pripremanje 1825 ugovora o stipendiraju

AUGUST

JEDINSTVENOST FONDACIJE HASTOR

Najveća vrijednost i jedinstvenost Fondacije Hastor ogleda se u broju volonterskih sati koje ostvaruju naši stipendisti. U školskoj 2016/17. godini stipendisti Fondacije Hastor zabilježili su rekordnih 250.000 volonterskih sati. 250 000 sati iskorištenih u učenju, druženju i volontiranju zaista zvuči nevjerovatno.

No, ovi volonterski sati nisu samo rezultat volontiranja na terenu. Studenti stipendisti Fondacije Hastor koji studiraju u Sarajevu volontiraju također i u prostorijama Fondacije. U uredu Fondacije svakodnevno volontiraju studenti koji pripadaju administrativnom timu Fondacije. Administrativni tim Fondacije Hastor komunicira sa stipendistima telefonski i putem elektronske pošte, bilježi njihove obavijesti i najave za volontiranje te unosi odrađene volonterske sate u posebnu bazu koja se koristi za ove svrhe. Administrativni tim Fondacije također komunicira s trećim strankama, odgovara na upite i molbe, te pruža opće informacije o Fondaciji, procesu odabira stipendista, molbama i sl.

Pored administrativnog tima, u uredu Fondacije dužni su volontirati svi studenti stipendisti koji studiraju na Univerzitetu u Sarajevu. Ovi studenti obavezni su u uredu Fondacije provesti dva sata mjesечно, a prilikom volontiranja u uredu oni obično rade poslove koji spadaju u administrativno i kancelarijsko poslovanje što im pruža mogućnost

da se upoznaju i s ovakvom vrstom poslova i daje im izvjesno iskustvo u ovome polju.

Administrativni tim nije jedini tim koji djeluje u Fondaciji. Tim redakcije Fondacije Hastor pored administrativnog čini važan dio Fondacije. Redakcijski tim čini grupa stipendista Fondacije koja se brine o izradi, uređivanju i dizajniranju newslettera Fondacije Hastor koji se objavljuje na mjesечноj bazi. Tim redakcije Fondacije Hastor putem newslettera, web-stranice i facebook fan stranice izvještava javnost o novostima u Fondaciji te promoviše uspjehe njenih stipendista.

Administrativni i redakcijski tim Fondacije Hastor na svojim sastancima pored drugih zaduženja planira program rada za mjesecne sastanke studenata i način sprovođenja istog. Nekad su dolazili eminentni stručnjaci iz svojih oblasti i držali predavanja, a u posljednje vrijeme to rade stipendisti studenti koji nimalo ne zaostaju u odnosu na najeminentnije stručnjake.

Fondacija također posjeduje tim stipendista za tehničku podršku. To su stipendisti koji se brinu o održavanju web i facebook fan stranice Fondacije Hastor i koji neumorno rade na razvijanju novih, inovativnih projekata koji će još jednom izdvojiti Fondaciju ispred drugih.



FONDACIJA
HASTOR



JEDINSTVENOST FONDACIJE HASTOR

Međutim, najveći dio volonterskih sati rezultat su mjesечnih sastanaka koje na terenu organizuju i realizuju studenti stipendisti sa svojim mlađim kolegama, učenicima stipendistima Fondacije Hastor koji pohađaju osnovnu ili srednju školu.. Svaki sastanak je posebna prilika za naše mlađe stipendiste da nauče nešto novo. Volonterski sastanci se u prosjeku održavaju dva puta mjesечно. Pored obaveznih tema koje su uvrštene u godišnji Plan i program za održavanje volonterskih sastanaka, studenti mentorii imaju slobodu da u dogovoru s učenicima uvrste i neke nove teme koje oni smatraju zanimljivim. Na ovaj način i učenici, skupa s mentorima, učestvuju u kreiranju volonterskih radionica, a u isto vrijeme na kreativan i njima zanimljiv način stječu nova znanja. Nerijetko se na ovim volonterskim sastancima organizuju humanitarne akcije, akcije čišćenja, izleti, kreativne radionice, predstave, takmičenja i mnoge druge aktivnosti sličnog karaktera.

Stipendistkinje Fondacije Hastor Lejla Ramić i Dina Turulja s grupom učenika volontiraju u Sarajevu. Proteklu školsku godinu odlučile su da svoje

volonterske sate iskoriste u edukativno-zabavne svrhe, te su u tom cilju zajedno sa svojom grupom učenika posjetile sve lokalne muzeje u Sarajevu.

„Kad se naše ruke slože postigli smo da u 11 mjeseci volontiranja posjetimo sve lokalne muzeje u Sarajevu i to: Svrzinu kuću, Despića kuća, Muzej atentata, Brusa bezistan, Muzej Jevreja, Aškenašku sinagogu, Bošnjački institut, potom Vrelo Bosne, Trebević, Centar za edukaciju, sport i rekreaciju „Safet Zajko“, Pionirska dolina, Cinema city...“, s oduševljenjem piše Lejla.

Stipendisti Delila Veispahić i Sakib Bitić s učenicima osnovnih i srednjih škola volontiraju u Kaknju. Jedan od svojih volonterskih sastanaka posvetili su bosanskohercegovačkoj kulturi i tradiciji. Zajedno s učenicima organizovali su malu radionicu koja je obuhvatila izradu starog nakita iz srednjovjekovnog perioda, te izradu bosanskih vrata sa zvekirom za vrijeme Osmanskog carstva. Materijal korišten pri izradi je bio: ljepenka, akrilne boje, sjene za oči, kistovi, šabloni, žica i perle.



Tehnička podrška Fondacije Hastor

„Na kraju smo imali dječije prste raznih boja, ali i zadovoljstvo onim što su napravili“, sa zadovoljstvom se prisjeća Delila.

Stipendisti Arif Bukvić i Josipa Bagarić u Tomislavgradu volontiraju s učenicima Srednje strukovne škole. Svoje volonterske sate u mjesecu augustu odlučili su provesti u prirodi pa su organizovali izlet na Mali Vran.

„Iako smo poprilično dobra ekipa ovaj izlet nas je zbljžio više nego svi sati koje smo proveli zajedno u učionici prethodnih mjeseci. Nikada naše učenike nisam vidjela u tako dobrom raspoloženju, nije bilo izdvajanja, oni veliki su pomagali manjima,

momci su hrabro vodili ekipu naprijed, naravno pod budnim okom naših vodiča. Na pamet mi pada misao gospodina Ante koji je rekao da se na planinarenju, u prirodi, sklapaju najbolja prijateljstva jer to su prijateljstva sklopljena bez ikakvog koristoljublja. Vodiči su nam raznim pričama učinili sve još zanimljivijim te nas u isti mah naučili mnogo toga“, zaključuje Josipa.

Volonterski sati koji naši stipendisti provode zajedno na terenu u druženju, učenju i zabavi daju jedinstvenu dimenziju Fondaciji Hastor, a navedeni primjeri dokaz su da provedeni volonterski sati našim stipendistima predstavljaju mnogo više od volontiranja.

NAJVAŽNIJI DOGAĐAJI U ŠK. 2016/2017.

Stipendisti Fondacije Hastor među najboljim studentima u Federaciji BiH





Federalno ministarstvo obrazovanja i nauke je 13. decembra 2016. godine u Mostaru dodijelilo novčane nagrade i prigodne poklone za 73 najbolja studenta u Federaciji Bosne i Hercegovine za školsku 2015/2016. godinu. Među nagrađenim studentima su i stipendisti Fondacije Hastor, i to njih četvero: Nejra Šubara, Berina Baraković, Alem Merdić i Sakib Bitić. Njihovi uspjesi tokom prošle školske godine su ih svrstali među 20 najboljih u Federaciji Bosne i Hercegovine.

Tim povodom, svečanosti su prisustvovali i predstavnici Fondacije Hastor koji su ovom prilikom čestitali svim studentima dobitnicima priznanja te izrazili zadovoljstvo što stipendisti Fondacije Hastor nastavljaju nizati uspjehe i ostvarivati izvanredne

rezultate. Stipendisti koji su dobili priznanje kao najbolji studenti ističu se svojim radom i zalaganjem i kroz volontiranje i angažman u Fondaciji Hastor, te kao marljivi i primjerni mentori svojim mlađim kolegama, stipendistima Fondacije Hastor. Prije uručenja nagrada ministrica Dilberović se obratila prisutnima, zahvalila se svim onima koji su doprinijeli da ovi studenti postignu ovako značajan uspjeh, a posebno nagrađenim studentima od kojih očekuje da ovu zemlju pokrenu naprijed u ekonomskom, a i u političkom smislu. Federalno ministarstvo obrazovanja i nauke svake godine nagrađuje najbolje studente u Federaciji Bosne i Hercegovine na prijedlog njihovih matičnih fakulteta. U nominovanju studenata učestvovali su svi državni univerziteti iz Federacije BiH.



11



FONDACIJA
HASTOR



Mjesec april posebno je značajan za sve u našoj fondaciji. Naime, prije tačno 11 godina, u aprilu 2006. godine osnovana je Fondacija Hastor. Dodijelivši prvu stipendiju već u septembru 2006. godine, Fondacija je ambiciozno kročila na put promjena i stvaranja boljeg društva. Možda i ne sluteći u kakvu veliku porodicu će izrasti, Fondacija je tokom 11 godina svog postojanja izrasla u najveću fondaciju u BiH s najvećim brojem stipendista svih generacija - od osnovaca do studenata. Svojom jedinstvenom misijom postala je prepoznatljiva na području cijele Bosne i Hercegovine, pružajući priliku talentovanim, natprosječnim mladim ljudima da stječu obrazovanje i razvijaju svoje potencijale i talente. Njegujući moć obrazovanja, naš moto "Obrazovanje - izbor pobjednika" okupio je preko 3000 mlađih ljudi na jednom mjestu. Počevši rad s 300 stipendista, 11 godina poslije smo ponosni istaknuti brojku od 1714 mlađih ljudi koji nose status stipendista Fondacije Hastor. Ova praksa uspješno se provodi 11 godina, a da je vizija Fondacije Hastor održiva najbolje svjedoče njeni stipendisti koji svojim uspjesima u svim poljima

ljudskog djelovanja svakodnevno opravdavaju svrhu njenog postojanja.

U trendu nezaposlenosti i masovnog odlaska mlađih ljudi u druge, razvijenije države, Fondacija, zahvaljujući svom programu pruža mlađim ljudima perspektivu unutar naše države i priliku da učestvuju u unapređenju lokalnih zajednica te na taj način stvara nove lidera i jača Bosnu i Hercegovinu. Potreba za promjenama vidljiva je u svim aspektima našeg društva, a Fondacija Hastor prepoznaje znanje kao jedinstveno oružje na tom putu. Obrazovanje je vrijednost koju njegujemo tokom svih godina našeg postojanja. Naša misija ne bi bila toliko uspješna da nismo imali podršku velikog broja donatora koji su se pridružili Klubu prijatelja Fondacije Hastor. Naš put se nastavlja, i vjerujemo da ćemo uz podršku svih koji vjeruju u našu misiju u narednom periodu povećati broj stipendista i realizovati još mnogo uspješnih projekata u cilju jačanja bosanskohercegovačkog društva i stvaranja bolje perspektive.

FONDACIJA HASTOR DOBITNIK NAGRADE ZA DRUŠTVENI UTJECAJ GODINE

Nastala 2006. godine, Fondacija Hastor imala je jasnu viziju - potaknuti pozitivne promjene u bosanskohercegovačkom društvu uz pomoć dva najvažnija faktora: obrazovanja i mlađih ljudi. Ova fondacija jedna je od rijetkih koja je prepoznala moć mlađih, obrazovanih i ambicioznih ljudi koji će na ovom putu promjena na koji je Fondacija Hastor hrabro kročila predstavljati najmoćniju vojsku. Predvođeni misijom Fondacije, sa znanjem i obrazovanjem kao jedinim oružjem, ovi mlađi ljudi uzburkali su more promjena, a vjerujemo da prava plima promjena tek predстоji.

Pomažući ovim mlađim ljudima na kojima budućnost ostaje, upustili smo se u misiju stvaranja novih lidera, nosioca pozitivnih promjena te vijesnika bolje budućnosti za sve nas. Jedanaest godina poslije, i dalje postojimo s istom misijom i snažnom voljom za unapređenjem našeg društva, ali s neuporedivo većim brojem mlađih ljudi u našim redovima, te s velikim brojem prijatelja Fondacije Hastor koji su prepoznali našu misiju.

Najzad, naša misija je prepoznata i na ovogodišnjem Sarajevo Business Forumu gdje je Fondacija Hastor dobila Nagradu za društveni utjecaj godine.

“Ova nagrada je instrument prepoznavanja svega onoga što smo do sada uradili i voljeli bismo da ona bude instrument za prepoznavanje potencijala svega onoga što se može uraditi u BiH. Potrebno je da se mnogo pomogne mlađim ljudima i njihovim porodicama prilikom školovanja da dostignu željeni nivo znanja iz oblasti koje žele završiti. Mi ćemo nastaviti ulagati napore u širenje inicijativa i djelovanje i pozivamo sve koji žele podržati naš rad da to urade kako bismo zajedno došli do novih pozitivnih utjecaja na društvo oko nas i cijelu BiH u konačnici”, poručio je direktor Fondacije Hastor, Seid Fijuljanin.

Izuzetno nam je draga da rad Fondacije Hastor prepoznaće sve veći broj ljudi, institucija i organizacija, a ovo priznanje nije ništa drugo do snažnog vjetra u jedrima koji nas podupire na putu stvaranja promjena. Podsjećamo, tokom jedanaest godina rada Fondacija Hastor podržala je školovanje hiljade učenika i studenata od kojih je danas većina stekla zaposlenje. Trenutno bilježimo 1714 stipendista iz više od 110 bosanskohercegovačkih općina.




TEDxStariGrad

x = independently organized TED event



IDEJE VRIJEDNE ŠIRENJA NA TEDx SCENI U SARAJEVU



Krajem oktobra 2016. godine u Sarajevu je održana TEDx konferencija - TEDx StariGrad u čijoj su organizaciji učestvovali Fondacija Hastor i IASTE LC Sarajevo u saradnji s partnerima.

Započevši kao četverodnevna konferencija u Kaliforniji prije 30 godina, TED je narastao kao podrška onima koji u svijetu razmjenjuju ideje s više inicijativa. TED je skraćenica za Technology, Entertainment i Design – tri široke teme koje kolektivno oblikuju našu budućnost, ali sam događaj je širi od toga, jer se na TED-u predstavljaju ideje iz različitih disciplina. Slogan TED-a je "ideje vrijedne širenja", a pod tim se podrazumijeva posvećenost TED-a da milionima tragača za znanjem daje pristup najvećim misliocima i predavačima. U duhu ideja vrijednih širenja, TED je stvorio program pod nazivom TEDx koji predstavlja program lokalnih, nezavisno organiziranih događaja koji povezuju ljude u širenju iskustava u TED stilu. Na TEDx sceni predstavili su se individualci s različitim životnim pričama koji su, uprkos životnim preprekama i osporavanjima okoline, istrajali u ostvarivanju svojih ciljeva i snova, ljudi koji su svojim djelima promijenili i pokrenuli nabolje sredinu u kojoj žive i rade.


Konferencija je održana u prostorijama kina Meeting Point, a tokom višesatnog programa posjetioc

su imali priliku svjedočiti istinski inspirativnim pričama i sjajnim idejama koje su ovogodišnji govornici odlučili podijeliti s publikom. Zanimljive teme i još zanimljiviji govornici privukli su pažnju mnogobrojnih građana zbog čega su ulaznice za ovaj događaj rasprodane u vrlo kratkom vremenskom periodu. Govornici na TEDxStariGrad konferenciji bili su: Senad Alibegović, Almir Mukača, naša stipendistkinja Adisa Bolić, Edin Mehić, Almir Badnjević, Denis Agović, Vedran Peršić, Samir Beharić, Ismir Omeragić, Tomislav Cvitanušić, Emir Salkić, Damir Marjanović te mladi World Scholar's Cup Debate tim, grupa osnovaca i srednjoškolaca koji su sljedećega mjeseca, na poziv Univerziteta Yale univerziteta nastupili na Tournament of the Champions World Scholars Cup turniru. Jedno je sigurno – prostorije kina Meeting Point 29. oktobra svjedočile su susretu izuzetno uspješnih ljudi koji su recept svog uspjeha i svoje ideje podijelili s prisutnim tragačima znanja, a iz sale ovog kina poslana je jedinstvena poruka – Bosna i Hercegovina je itekako bogata perspektivnim ljudima i kvalitetnim idejama koje s hrabrošću možemo lansirati u svijet.

PROJEKTI

TAKT AKADEMIJA

TAKT akademija jedinstveni je projekat koji već drugu godinu organizuje Fondacija Hastor u saradnji sa Švicarskom razvojnom agencijom i Ambasadom Švicarske u BiH. TAKT akademija svojim polaznicima pruža znanje i vještine potrebne za rad u industrijama mode, tekstila, namještaja i automotiva. Program nudi sistematičan pristup prilagođavanja obrazovnog sistema potrebama tržišta rada i obuhvata programe za proizvodnju i upravljanje procesima. Ciljna skupina su maturanti srednjih stručnih/tehničkih/mješovitih škola i diplomanti društvenih i tehničkih fakulteta.



Usljed nedostatka adekvatnih resursa na tržištu rada, ASA Prevent grupacija je 2015. godine pokrenula internu obuku za mlade diplomante i magistrante koji je tada predstavljao pionirski korak jedne kompanije. Vremenom je taj projekat dobio i druge partnere te danas imamo jedan prepoznatljiv program – TAKT akademiju kroz koju mlađi ljudi stječu priliku za svoje prvo zaposlenje.

Drugi ciklus programa TAKT akademija započet je u februaru ove godine. Nakon procesa selekcije u kome je stručna komisija od 300 pristiglih prijava odabrala 65 potencijalnih polaznika, uslijedila je teoretska, a zatim i praktična obuka polaznika. Mlađi diplomanti i magistranti su imali priliku da kroz praktičnu obuku, koja se odvijala na lokacijama kompanija unutar ASA Prevent grupacije primijene svoje teoretsko znanje stečeno kroz školovanje te upoznaju proizvodne procese nekih od najuspješnijih bh. kompanija. Praktična obuka u trajanju od četiri, odnosno pet sedmica, zavisno od zanimanja, odvijala se u Visokom, Zenici, Ilijašu i Sarajevu, u kompanijama Prevent Leather, Prevent Interior i Prevent Fabrics, Željezari te ostalim kompanijama unutar ASA Prevent grupacije. Svim grupama polaznika dodijeljeni su mentorji iz kompanije u kojoj se odvijala praksa, a s kojima su blisko sarađivali i imali priliku da od njih puno toga i nauče.

Većina polaznika je istakla da im je ovo bilo najbolje dosadašnje iskustvo, budući da nisu imali priliku i u stvarnosti vidjeti proizvodne procese i rješavati

stvarne probleme koji se nameću u operativnim procesima proizvodnih kompanija.

Drugi ciklus TAKT akademije je završen dodjelom certifikata za 51 polaznika koji su uspješno završili obuku i završna testiranja. Važno je napomenuti da je više od 20 njih dobilo zaposlenje u nekim od članica ASA Prevent grupacije.

Svečanoj ceremoniji dodjele certifikata je prisustvovao i potpredsjednik Federacije BiH, Milan Dunović koji je tom prilikom istakao važnost usklađivanja obrazovnog sistema prema potrebama tržišta rada i izjavio: „Dosta se u posljednje vrijeme govori o negativnim utjecajima usaglašavanja obrazovne politike i potrebe privrede, na način da se govori o poboljšanju prilika za nova zaposlenja. Iako je to ultimativni cilj za neka buduća vremena, smatram da se nalazimo u situaciji gdje se ipak mora više voditi računa o potrebama privrede, kako bi u budućnosti došli u poziciju da se obrazovanjem povećava mogućnost zaposlenja i kreiraju nova radna mjesta u različitim granama privrede. TAKT akademija pokazuje da se i kroz nevladin sektor možeći korak ispred vremena i prilagoditi svojim potrebama kadrove koji nisu stekli stručna znanja. Na taj način se povećao broj zaposlenih u BiH te smatram da su to zaista proaktivni pristupi politikama zapošljavanja. Prepoznao sam rad Fondacije Hastor te dao i finansijski poticaj kako bih pokazao da saradnja države i nevladinog sektora mora rezultirati novim radnim mjestima.“

PROJEKTI

MEĐUNARODNA SARADNJA

Stvaranje novih prijatelja i partnerstava s ciljem zajedničkog unapređivanja bh. društva oduvijek je bila jedna od prepoznatljivih karakteristika Fondacije Hastor. Ponosni smo što u našim redovima imamo ljude i organizacije koje već godinama predano rade na poboljšanju uvjeta života ljudi u Bosni i Hercegovini.

Predstavljamo vam saradnju na koju smo izuzetno ponosni i koja se nakon već više od 10 godina zajedničkog rada razvila u jedno veliko prijateljstvo, kako između dvije organizacije tako i između dvije zemlje.

Stichting Kinderhulp Bosnië naziv je organizacije koja aktivno djeluje u Holandiji, a svoje resurse usmjerava ka Bosni i Hercegovini. Svoj rad su počeli davne 1992. godine kada je organizacija nosila naziv Pax

Kinderhulp, a prvi projekti su im bili organiziranje raspusta u Holandiji za djecu iz Bosne i Hercegovine. Kako nam kaže Peter van Laar, direktor organizacije Stichting Kinderhulp Bosnië, u tom periodu početka rata djeci su željeli prirediti raspust na kojem će zaboraviti sve probleme koje imaju u svojoj zemlji i bar na tih nekoliko sedmica biti ono što zapravo i jesu – djeca. Nakon povratka kući djeca su bila sretnija, a i u školi su ostvarivali bolje rezultate što je bio i više nego dovoljan razlog da nastave s radom.



Stichting Kinderhulp Bosnië nastala je 2007. godine kada počinje i saradnja s Fondacijom Hastor. Peter nam otkriva da je te godine uspostavio jaku vezu s Ramom Hastorom koji je u tom periodu radeći kao učitelj pomagao pri odabiru djece koja su raspust provodila u Holandiji i pratio ih kao vođa na tim putovanjima.

„Kada smo stvorili Stichting Kinderhulp Bosnië, Fondacija Hastor je tek počela s radom. Bez razmišljanja smo odlučili da uspostavimo saradnju s njima. Da nije bilo saradnje s Ramom i Fondacijom Hastor bilo bi jako teško postići uspjeh i rezultate koje imamo danas.“

Ova saradnja za rezultat ima više od 1000 djece koja su kroz ovaj projekat imali priliku da svoj raspust provedu u zemlji cvijeća, u porodicama koje su ih primale kao svoje goste trudeći se da im pruže odmor koji će im zauvijek ostati u sjećanju. Veliki broj djece i danas održava kontakt s tim porodicama održavajući na ovaj način i prijateljstvo između ove dvije zemlje.

Fondacija Hastor od samog početka učestvuje u realizaciji ovih projekata pružajući nesebičnu podršku koja se ogleda u kompletnoj organizaciji procesa odabira djece i njihove pripreme za odlazak, odabira lidera i prevodilaca koji su zaduženi za djecu i njihovu sigurnost tokom putovanja.

Uporedo s projektom pomoći djeci, uvidjevši da je problem nezaposlenosti i generalno lošeg životnog standarda veliki problem u ruralnim područjima, pokrenut je i novi projekat koji za cilj ima pomoći porodicama slabijeg imovinskog stanja koje su voljne da u svoj životu unesu promjene i unapređenje.

Pomoć koju dobijaju odabrane porodice ogleda se u donacijama stoke poput krava, ovaca ili koza te u vidu obnove i sanacije objekata za smještaj stoke ili donacije u vidu plastenika, sadnica i slično. Porodice treba da imaju ispunjene određene uvjete, a donacije koje dobiju treba da im budu samo motivacija za dalji rad i razvoj. Na ovaj način ne dobijaju samo gotove proizvode ili novac, već i sami moraju doprinijeti kompletnom procesu što ih automatski čini društveno korisnim članovima društva.

Peter nam kaže da mu najveće zadovoljstvo i motivaciju daju osmijesi na licima ljudi koji dobiju pomoć te njihova zahvalnost, jer je svjestan da ovim porodicama osim Fondacije Hastor niko više ne pomaže niti pokazuje interes za njih.

„Ponosan sam na postignute rezultate i moji planovi za budućnost su isti kao i proteklih 25 godina – činiti djecu sretnom i skupa s njima proživljavati ta iskustva. Oni nikada neće zaboraviti svoje odmore u Holandiji, a porodice će imati dugoročnu korist od naših donacija“, kazuje nam Peter.

Ovakav stav ima i Ramo Hastor, osoba koja je cijelim svojim bićem predana ovom projektu i koja gotovo svaki dan provodi na terenu tražeći nove porodice kojima je pomoć potrebna, a usput obilazi one kojima su već pomogli i koji mu sada već služe kao motivacija i podstrek za dalji rad.


Postoji još mnogo razloga zbog kojih smo ponosni na ovu saradnju koja se prvenstveno temelji na velikom prijateljstvu i za koju ne sumnjamo da će rezultirati s još mnogo uspjeha u budućnosti!

PROJEKTI

OBILJEŽAVANJE DANA PLANETE ZEMLJE

Još jedan u nizu mnogobrojnih projekata Fondacije Hastor bio je obilježavanje Dana planete Zemlje. Već treću godinu u nizu, a zahvaljujući stipendistima Fondacije Hastor, još jednom smo se uvjerili da smo važni gosti na našoj planeti i da trebamo biti što više ekološki osviješteni te da svoje znanje prenosimo i na druge. Ove godine našu inicijativu je prepoznala i Lutrija BiH, te se partnerski pridružila našem projektu.





U cilju obilježavanja Dana planete Zemlje Fondacija Hastor je u aprilu zajedno sa svojim stipendistima upriličila nekoliko događaja, a prvi od pomenutih događaja bio je aprilski mjesecni sastanak studenata stipendista Fondacije Hastor koji je protekao u duhu podizanja svijesti o prijetećim ekološkim problemima globalnih razmjera. Prisutne studente u ovu tematiku uvele su naše stipendistice Belmana Gerin i Amina Šataru, studentice Univerziteta „Džemal Bijedić“ u Mostaru, na Odsjeku za ekologiju i upravljanje okolišem u poljoprivredi.


Ovo predavanje bilo je samo uvertira u događaje koji su uslijedili ubrzo nakon mjesecnog sastanka. U duhu obilježavanja Dana planete Zemlje, stipendisti Fondacije Hastor upriličili su akcije čišćenja korita rijeke Miljacke te rijeke Drine. Na Dan planete Zemlje preko 60 volontera Fondacije Hastor zajedničkim snagama je očistilo područje Aleje ambasadora uz rijeku Miljacku kod Sarajeva, te dionicu korita rijeke Drine uz park Plavi cvijet kod Goražda.

Osim što su stipendisti proveli preko 20 sati korisnog rada, podjednako su se i zabavili te pokazali da se udruženim snagama uz malo podrške može mnogo uraditi. Zapravo, kao članovi Fondacije Hastor zahvalni smo što nam se pruža prilika da postanemo korisni članovi društva, samostalni lideri i na kraju pravi ljudi. To i jeste cilj Fondacije, a put do tog cilja bira se pažljivo i sa sigurnošću. Kada se 1714 ljudi iz preko 110 općina te društveno odgovornih kompanija i organizacija ujedini i ima isti cilj - da svi postanemo pobednici koji će investirati u znanje u pohodu ka životnom uspjehu, dobije se ništa drugo, no zlatna medalja. Stipendisti Fondacije Hastor su još jednom pokazali svoju inicijativu i društvenu odgovornost.

Ovaj projekat predstavlja jedinstvenu akciju koju je 2016. godine prepoznala BH pošta, potom Lutrija BiH, a Fondacija Hastor planira slične projekte i u narednim godinama.

■ USPJEŠNE PRIČE NAŠIH STIPENDISTA

ALMA MUJANOVIC: *nisam dopustila da me gluhoća odvoji od ljudi*



Alma Mujanović stipendistkinja je Fondacije Hastor od decembra prošle godine. Primjer je mlade i uporne osobe koja je bez obzira na slušnu manu napravila čudo. Radom i trudom izborila se za svoje mjesto pod suncem.

Alma je rođena u Crnoj Gori odakle se u svojoj desetoj godini preselila u Sarajevo kako bi pohađala školu za djecu s oštećenim sluhom. Danas je studentica treće godine Fakulteta zdravstvenih studija Univerziteta u Sarajevu, na Odsjeku za radiološke tehnologije. Bavi se ljudskim pravima, aktivna je u mnogim nevladinim organizacijama i svira dva instrumenta.

Almin put do uspjeha nije bio lagan. Za nju je čuti prvi zvuk bilo poput novog otkrića.

„Bila sam mala kada sam primijetila da sam drugačija od ostalih vršnjaka i kada sam shvatila da je moja mana zapravo u čulu sluha. Hellen Keller, američka spisateljica koja je bila slijepa i gluha je rekla: „Sljepoča odvaja ljude od stvari, gluhoča odvaja ljude od ljudi.“ Mnogo puta sam osjetila u djetinjstvu kako me gluhoča odvajala od ljudi, a posebno kada smo se igrali gluhih telefona. Gluhi telefoni bi se najčešće otkrili u prvom, petom ili sedmom redu, ovi gdje bih ja sjedila. Onda sam shvatila da sam manjina i da moram jako puno raditi i truditi se ako želim da se prilagodim većini i ako želim biti prihvaćena u tom društvu“, otkriva Alma.

Zahvaljujući upornoj majci koja je mnogo radila s njom, Alma je uspjela savladati poteškoće u govoru i počela čitati s usta sagovornika. Sporazumijevanje joj je uveliko postalo lakše kada je u šestoj godini života dobila slušni aparatić. Prvi slušni aparatić omogućio je Almi ulazak u svijet buke, kako obično umije da kaže.

Osim što se bavila muzikom, tokom svog srednjoškolskog obrazovanja trenirala je i stoni tenis, košarku, odbojku i ronjenje za koje je završila obuku

za trenera. Osnovnu i srednju školu završila je kao učenica generacije, a ogromnu podršku od strane profesora i asistenata ima i na svom fakultetu.

Svoje obrazovanje Alma nije završila samo na redovnim aktivnostima već je aktivna i u nevladnim organizacijama.

„Bila sam u Norveškoj na razmjeni studenata, na seminarima u Albaniji, Italiji, Švicarskoj, Austriji, Grčkoj, Francuskoj... Prošle godine sam bila stipendista veoma značajnog Evropskog Foruma Alpbach koji se održavao u Austriji i koji je okupio preko 5000 učesnika, govornika i utjecajnih ličnosti iz cijelog svijeta“, kazala je Alma.


Jedna od najznačajnijih razmjena na kojim je učestvovala jeste Humanity in Action, program koji se održavao u julu ove godine u Americi, u Atlanti, gdje je provela mjesec dana i upoznala nove ljude koji su joj dali ohrabrenje da slijedi svoje snove.

„Kao za osobu koja je svestrana i aktivna u svim poljima obrazovanja, edukacije i volontiranja, Fondacija Hastor je postala još jedna velika šansa i prilika za moje nove uspjehe i planove u životu. Motivirala me je da se nastavim i dalje boriti za svoje mjesto pod suncem, da nikada ne odustanem te da kao osoba oštećenog sluha pokažem društvu da moja mana nije prepreka za ostvarivanje životnih ciljeva i snova. Isto tako, imam priliku da sva svoja znanja koja stječem tokom svog obrazovanja primijenim na druge mlade ljude iz BiH kroz ovu mrežu. Malo je reći da sam i više nego presretna jer sam dio te velike porodice koja mi pomaže da postanem dio socijalnog društva bez predrasuda.“

USPJEŠNE PRIČE NAŠIH STIPENDISTA

JOSIP REZIĆ : DOBITNIK DEKANOVE NAGRADE

Josip Rezić je stipendista Fondacije Hastor od decembra prošle godine. Dolazi iz Mostara, student je druge godine Fakulteta informacijskih tehnologija u Mostaru, smjer Softverski inženjering.



Aktivan je član nekoliko studentskih organizacija. Volonter je i koordinator tima organizacije "DUGA" u Mostaru. Tokom osnovne i srednje škole trenirao je stoni tenis i karate. Pored stonog tenisa, u slobodno vrijeme igra košarku, programira, čita knjige i svira gitaru. Žudi za putovanjima, a sve više ga interesuju ekstremni sportovi kao što su paraglajding i rafting.

Uspjeh koji posebno izdvaja jeste Dekanova nagrada koja mu je dodijeljena ove godine. Osim toga, mnogo mu znače i uspjesi na takmičenjima iz oblasti matematike i hrvatskog jezika gdje je ostvario prilično dobre rezultate. Također, posjeduje i nekoliko medalja osvojenih na stonoteniskim natjecanjima.



Fondacija Hastor je moj vjetar u leđa, moja odskočna daska. Pruža mi ogromnu podršku u svakom pogledu. Potiče me na kontinuirani rad, učenje, volontiranje, usavršavanje i daje mi ogromnu motivaciju koja je glavni faktor uspjeha. Također, volontiranje s učenicima i mjesecni sastanci za mene predstavljaju neku vrstu životne škole. Teme koje obrađujemo i predavanja koja slušamo su jako poučna, interesantna i motivirajuća. Stvaramo nova prijateljstva i stječemo nova iskustva. Nema te škole koja može pružiti iskustvo kakvo nama pruža naša Fondacija Hastor te sam zbog toga izuzetno ponosan što sam njezin član.

USPJEŠNE PRIČE NAŠIH STIPENDISTA

DVIJE BRONZANE MEDALJE ZA MERIMU OSMANOVIĆ NA SPECIJALNOJ OLIMPIJADI U AUSTRIJI



Naša stipendistkinja ističe kako je ovo takmičenje za nju predstavljalo jedno prelijepo životno iskustvo, gdje je upoznala mnogo novih prijatelja i trenera iz svih zemalja svijeta te se susrela s bogatstvom različitih jezika.

Zahvalnost za svoj uspjeh pripisuje ponajviše svom treneru, roditeljima, prijateljima, profesorima te Fondaciji Hastor, za koje kažu da su joj pružili ogromnu podršku što joj je u konačnici pomoglo da izbori ovakav plasman. Merimin uspjeh i uspjeh njenog tima je posebno prepoznat po povratku u

Merima Osmanović, učenica drugog razreda Mješovite srednje škole u Kalesiji, predstavljala je Bosnu i Hercegovinu na Specijalnoj olimpijadi u Austriji, svjetskom takmičenju u skijanju, odakle se vratila s osvojene dvije bronzane medalje u disciplinama slaloma i veleslaloma. Zimske olimpijske igre održane su u periodu od 14. do 25. marta ove godine.

Bosnu i Hercegovinu, a to potvrđuju i brojni svečani prijemi organizovani u njihovu čast.

„Velika čast mi je bila kada sam nakon dolaska iz Austrije sa svojim prijateljima bila počasni gost na utakmici naše reprezentacije Bosne i Hercegovine gdje smo otrčali počasni krug, a publika nas pozdravila velikim aplauzom. Jedno predivno i prelijepo iskustvo, jer sam toliko toga vidjela, upoznala prijatelje, toliko toga naučila da je to nešto što se pamti čitav život.“

USPJEŠNE PRIČE NAŠIH STIPENDISTA

USPJESI ADISE BOLIĆ SVJETSKIH RAZMJERA



Stipendistkinja Fondacije Hastor Adisa Bolić koja je već svima poznata po svojim izvanrednim uspjesima na polju matematike u mjesecu aprilu predstavljala je Bosnu i Hercegovinu na Evropskoj matematičkoj olimpijadi za djevojke u Zürichu, a u julu na Međunarodnoj matematičkoj olimpijadi u Brazilu.

Na Evropsku matematičku olimpijadu svaka zemlja učesnica šalje svoje najbolje timove koji se sastoje od četiri učenice srednjih škola, a naša Adisa se na ovu olimpijadu prethodno plasirala na takmičenju održanom na Prirodno-matematičkom fakultetu u Sarajevu zajedno s još tri djevojke koje su potom otputovale u Zürich kao predstavnice Bosne i Hercegovine. Ovo takmičenje održano je 7. aprila, a Adisa je u konkurenciji 168 matematičarki iz 44 države osvojila srebrenu medalju.

Nakon Evropske matematičke olimpijade za djevojke, Adisa već u julu putuje na sljedeće takmičenje. U periodu od 13. do 23. jula u Rio de Janeiru održana je Međunarodna matematička olimpijada koja okuplja 615 učesnika iz 115 zemalja svijeta.

Predstavnici Bosne i Hercegovine ostvarili su zavidne rezultate, a naša Adisa se s Olimpijade vratila s bronzanom medaljom i počasnom pohvalom.

USPJEŠNE PRIČE NAŠIH STIPENDISTA



INELA KAVAZ DOBITNICA BRONZANE MEDALJE NA BALKANSKOM KARATE PRVENSTVU



U periodu od 19. do 21. maja u Istanbulu je održano 22. Balkansko karate prvenstvo za djecu. U sastavu reprezentacije BiH, mladi karatisti Karate kluba Energija oduševili su svojim nastupom, a ukupno su osvojili 45 medalja od čega je 8 zlatnih, 10 srebrnih i 27 bronznih.

Među dobitnicima medalja je i naša mlada stipendistkinja Inela Kavaz koja je na ovom takmičenju osvojila bronzanu medalju. Prethodno, Inela je na državnom prvenstvu u karateu održanom na Palama krajem prošloga mjeseca osvojila prvo mjesto čime je izborila plasman na ovo prvenstvo.

USPJEŠNE PRIČE NAŠIH STIPENDISTA

WORLD SCHOLAR'S CUP: DEVETNAEST MEDALJA ZA STIPENDISTKINJE FONDACIJE HASTOR

Naše stipendistkinje Anisa, Dina i Amina osvojile su ukupno devetnaest medalja (zlato i srebro) čime su se automatski kvalifikovale na Tournament of Champions, takmičenje koje se svakog novembra održava na Univerzitetu Yale u Sjedinjenim Američkim Državama.


Nakon povratka iz Grčke, Amina, Dina i Anisa sabiru utiske. Iako je zahtijevao mnogo truda i odricanja, priznaju kako im je ovo jedan od najljepše provedenih ljetnih raspusta. Prilika da se takmiče, debatuju, druže i upoznaju s vršnjacima iz cijelog svijeta je za naše tri djevojke bila izuzetno dragocjena. Anisa Karić nije krila oduševljenje, pa našoj redakciji prenosi svoje utiske.

"Otkako smo došle u Sarajevo, pokušavamo da saberemo utiske i da se odmorimo. Pored svega što se desilo, jednostavno ne postoji dovoljno dobra riječ da se opiše WSC, ili da se opišu emocije koje smo doživjele i koje i dalje ne miruju. Ukratko, presretne smo što smo uspjele da se plasiramo na Tournament of Champions. Iako se to danas čini jako daleko, to bi definitivno bilo još jedno predivno, nezaboravno iskustvo. Za kraj, još jednom želim

da se zahvalim u ime moje sestre Dine, priateljice Amine i svoje ime Fondaciji Hastor na ukazanoj prilici. Hvala vam od srca!"

Snovi naše tri stipendistkinje ostvarili su se zahvaljujući trudu i vremenu koje su nesebično posvetile stjecanju novih znanja, a uspjesi koji su došli nakon toga ne predstavljaju ništa drugo do plodova stečenog znanja. Devetnaest osvojenih medalja uistinu je impresivan uspjeh, ali on nije nedostižan ukoliko se upustimo u pustolovinu stjecanja novih saznanja. World Scholar's Cup je takmičenje koje od svojih učesnika zahtijeva da znanje, pored formalnog, stječu i neformalnim putem, a visok stepen radoznalosti i opće informisanosti karakteristika je njegovih učesnika.

Ukoliko volite da tragate za znanjem, radoznali ste, volite historiju, društvene nauke, vještosti u debatovanju ili kvizovima, volite da čitate ili pišete, World Scholar's Cup je idealna prilika za vas, a Fondacija Hastor svojim zainteresovanim stipendistima pruža priliku da se uključe u ovo prestižno takmičenje i postanu dio pobjedničkog tima.



U periodu od 18. do 23. jula održano je Global Round takmičenje u okviru svjetskog takmičenja World Scholar's Cup. World Scholar's Cup jedinstveno je takmičenje koje okuplja učenike osnovnih i srednjih škola iz cijelog svijeta koji se, u skladu sa svojim uzrastima, takmiče u različitim disciplinama društvenih nauka. Koncept ovog takmičenja osmišljen je tako da od učesnika zahtijeva logičko

promišljanje i kombinaciju svih stečenih znanja. Ovogodišnje Global Round takmičenje održano je u grčkoj prijestolnici Atini, gdje je učešće uzelo preko dvije hiljade učesnika iz 52 različite zemlje svijeta. Učešće u ovom prestižnom takmičenju uzele su i naše stipendistkinje Anisa Karić, Dina Karić i Amina Višća pod mentorstvom direktora Fondacije Hastor, Seida Fijuljanina.

AI HENS 2017



An Unlikely World



GENERACIJA MATURANATA 2016/2017.

IV STEPEN

Abaza Suana	Fuško Murisa	Kovačević Irena	Polić Adin
Ahmetović Merima	Gerin Edin	Kudić Enver	Puljarga Adelisa
Ahmetspahić Selmin	Gorančić Elma	Landeka Anamarija	Purdić Said
Alić Hawka	Gutlić Belma	Lendo Amina	Purdić Alem
Ališić Šerif	Hadžiavdić Lamija	Lugonja Azema	Purdić Muhamed
Bajrić Elma	Hadžić Aldina	Mačkić Elma	Rahmanović Amelina
Baručija Nizama	Hajdarević Nermana	Mahmutović Lejla	Ramić Hamdija
Bećirović Aida	Hasanović Adelisa	Malagić Salima	Ramić Lejla
Bektić Amir	Haznadarević Adnan	Mandžić Ahmed	Rizvić Bilal
Belegić Ajla	Hero Sara	Mašić Amina	Sadiković Ajla
Beriša Aldin	Hodžić Mehmed	Medar Anela	Salkanović Ajla
Bolić Adisa	Hodžić Elma	Mehmedović Alija	Salkić Harisa
Bošnjaković Haris	Hota Amar	Mekić Mirza	Sijamija Alija
Bukvić Medina	Hrnjić Dženita	Merajić Melisa	Sinanović Ermin
Cero Nermina	Hrustić Melissa	Muharemović Ajdin	Sirćo Adelisa
Čajić Ilma	Huseinbašić Hasija	Mujkić Lejla	Skulić Ilija
Čaušević Amina	Huskanović Šejla	Mulalić Nihada	Smajlović Fatima
Čekro Muhamed	Imamović Selma	Muratović Armina	Subašić Emina
Čizmić Adna	Jablić Zuhra	Musa Belma	Sultić Elvir
Čomor Armin	Jakupović Omer	Musić Nizama	Sultić Hasan
Dedić Nermin	Jusić Ajla	Mustafić Samra	Šahbegović Vahida
Dedić Adem	Kadrić Ismet	Nasić Aida	Šišić Nerma
Delić Ahmed	Kadunić Azer	Obradović Stefan	Šumić Emina
Dervišić Maida	Kafedžić Emma	Omanović Anela	Tahić Medina
Drakovac Ajla	Karaman Anesa	Omanović Almedina	Terzić Amel
Drljo Fadil	Karašin Hamzo	Pajić Anes	Tešić Tatjana
Duraković Ahmed	Keranović Elvin	Paradžik Aldijana	Tucaković Azemina
Duranović Selma	Kerkez Alen	Pašić Hasan	Velić Mirza
Dževlan Faris	Kesten Amina	Pašić Ahmedina	Vrabac Amir
Elezović Ajla	Kišmetović Murisa	Pašić Ajiša	Vražalica Ajla
Fejzić Rijad	Klonić Emina	Peštalić Aldina	Zečević Amina
Ferizagić Nusreta	Klovo Vedin	Pobrklić Amra	Zorić Branislav

aldin beriša

ALDIN BERIŠA
(Srednjoškolski centar Hadžići)

Aldin Beriša je ove godine završio Srednjoškolski centar u Hadžićima, a zatim upisuje Odsjek informacionih tehnologija na Internacionalnom univerzitetu Burch u Sarajevu jer gaji velike simpatije prema programiranju i web razvoju. Upis na Burch univerzitet mu je omogućilo treće mjesto koje je osvojio za projekat Antigame na Bosnian



Science Olimpijadi. Pored toga, učestvovao je i u drugim projektima različitih ciljeva, a bio je i u ulozi organizatora. Aldin je stipendista Fondacije Hastor godinu dana, a ističe kako bez stipendije Fondacije danas ne bi mogao upisati željeni univerzitet jer je novcem uspio sebi platiti školovanje zbog čega kaže da je vječno zahvalan Fondaciji.

Bešić Adelisa
Gračić Ajla
Grizić Alma
Hadžić Dino
Ibrahimović Sanela
Jašarević Kenan
Mehić Nermin
Mujak Ensar
Preljević Elma
Rizvić Adin
Sirćo Dženita
Terović Šaban
Tiro Ervin

dino hadžić

DINO HADŽIĆ

Dino živi u Vogošći, a stipendista Fondacije Hastor je od 2014. godine. Završio je tri stepena automehaničarskog zanata i odmah po završetku školovanja dobio posao. Još uvijek nije siguran da li će nekad u budućnosti dodatno završiti još jednu godinu i upisati fakultet.



"Stipendija mi je uvijek bila dovoljna i zahvaljujući Fondaciji Hastor nikad nisam bio bez knjiga i bez džeparca, a također nisam ni predstavljao problem ili teret svojim roditeljima. Uvijek ću biti zahvalan za takvo iskustvo koje je zaista nevjerojatno."

UČENICI GENERACIJE 2016/2017.

OSNOVNA ŠKOLA

Merfid Alihodžić
Semir Spahalić
Nedim Džajić



merfid
alihodžić

semir
spahalić

nedim
džajić

MERFID ALIHODŽIĆ
(Osnovna škola „Tinja“, Srebrenik)

Merfid Alihodžić jedan je u nizu naših maturanata koji su školu završili kao učenici generacije. Završio je Osnovnu školu „Tinja“ u Srebreniku i upisao Behram-begovu medresu u Tuzli. Merfid je dio naše fondacije već godinu dana.

"Fondacija Hastor je moja bezuvjetna podrška, moja velika motivacija i siguran oslonac za buduće školovanje. Nadam se da ću opravdati vaše povjerenje. Fondacija je pozitivno promijenila moje mišljenje o našoj državi. Uz vašu pomoći i moje zalaganje uspjeh je neizostavan. Hvala vam na svemu od srca."

SEMIR SPAHALIĆ (Sedma osnovna škola, Brčko)

Semir Spahalić jedan je od naših ovogodišnjih učenika generacije. Dolazi iz Gornjeg Rahića i završio je Sedmu osnovnu školu „Gornji Rahić“. Stipendista Fondacije Hastor je godinu dana. Svoje školovanje nastavlja u Srednjoj poljoprivrednoj i medicinskoj školi u Brčkom.

„Fondacija Hastor za mene znači sve. Ona nije namijenjena samo talentovanoj djeci već i onoj koja su teškog ekonomskog statusa. Time nam ona jednostavno pruža priliku da ostvarimo svoje snove i poboljšamo svoje živote.“

„Biti stipendista Fondacije je velika čast i privilegija. Fondacija u materijalnom smislu značajno pomaže moje školovanje te rasterećeće moje roditelje od većih troškova, a ponosan sam što sam stipendista najveće stipenditorske kuće u BiH.“



NEDIM DŽAJIĆ (Prva osnovna škola, Konjic)

Nedim Džajić stipendista je Fondacije Hastor koji je zahvaljujući besprijekornom uspjehu i vladanju Prvu osnovnu školu u Konjicu završio s titulom učenika generacije. Svoje školovanje nastaviti će u Općoj gimnaziji Konjic. Nedimu želimo mnogo sreće i uspjeha u godinama što dolaze.

1. Amra Pobrkalić
2. Nermana Hajdarević
3. Ajdin Muharemović
4. Almedina Osmanović
5. Dženita Hrnjić
6. Ajla Sadiković

UČENICI GENERACIJE 2016/2017.

SREDNJA ŠKOLA



AMRA POBRKLJIC (SSŠ Janja)

Amra Pobrklić živi s roditeljima i mlađim bratom u Janji gdje je završila Srednju stručnu školu, na smjeru Ekonomija, pravo i trgovina i stekla zvanje ekonomskog tehničara. Iz ove škole odlazi s titulom učenice generacije. Svoje dalje obrazovanje je odlučila nastaviti na Fakultetu poslovne ekonomije u Bijeljini. Njen uzor su roditelji koji su je naučili

kako da bude dobar čovjek. Stipendistkinja Fondacije je od trećeg razreda srednje škole. U slobodno vrijeme se odmara od školskih obaveza pomažući roditeljima i družeći se s prijateljima. Podrška Fondacije Hastor za nju predstavlja oslonac u daljem obrazovanju kao i mogućnost boljeg života za nju i njenu porodicu.

NERMANA HAJDAREVIC (SMŠ „Zijah Dizdarević“, Fojnica)

Nermana Hajdarević živi u Busovači, a ove godine je završila Srednju medicinsku školu u Fojnici kao učenica generacije. Svoje dalje ambicije je usmjerila prema Medicinskom fakultetu u Zenici. Tokom svog odrastanja kao uzore je uzimala uspješne ljude koji su uvijek bili spremni pomoći drugima te su i nju svojom humanošću očarali zbog čega je izabrala najplemenitiji poziv. Slobodno vrijeme

provodi gledajući filmove, čitajući knjige i u druženju s najmilijima. Stipendistkinja Fondacije Hastor je već 6 godina. Fondacija za nju predstavlja veliku motivaciju i stepenik ka uspjehu. Otkriva da će način na koji će se zahvaliti Fondaciji biti njena diploma, koja zapravo neće biti samo njena, nego i diploma Fondacije Hastor.

AJDIN MUHAREMOVIĆ (Međunarodna škola, Zenica)

Ajdin Muharemović stipendista je Fondacije Hastor koji je završivši Međunarodnu školu u Zenici stekao titulu učenika generacije. Ajdin dolazi iz Zenice, a naš stipendista je već godinu dana. Po završetku srednjoškolskog obrazovanja, Ajdin hrabro nastavlja dalje i upisuje Prirodno-matematički fakultet u Sarajevu, smjer Teorijska kompjuterska nauka.

„Fondacija Hastor za mene predstavlja ideju da svako treba da ima mogućnost obrazovanja, bez obzira gdje i u kakvim okolnostima je rođen. Za mene Fondacija i pomoći Fondacije znači mnogo, jer sam putem volontiranja upoznao mnogo novih mladih ljudi i prijatelja, a finansijska pomoć Fondacije mi mnogo pomaže u mom obrazovanju i siguran sam da bez nje ne bih mogao upisati fakultet koji želim.“

DŽENITA HRNJIĆ (MSŠ Travnik)

Rođena je u Travniku, gdje trenutno i živi. Nakon što je postigla uspjeh učenika generacije, Dženita upisuje Medicinski fakultet u Sarajevu. Ističe kako je nevjerojatan osjećaj postati dio nečega takvog. Raduje se novim izazovima

i nada se da će svojim uspjehom opravdati dugogodišnje stipendiranje Fondacije Hastor, koje, kako kaže, najviše voli zbog toga što je naučila cijeniti prave vrijednosti u životu.

ALMEDINA OSMANOVIĆ (MSŠ Busovača)

Almedina je stipendistkinja iz Kiseljaka. Nakon završene Ekonomski škole u Busovači upisuje Kopnenu vojnu akademiju u Turskoj. Nada se da će uz trud i upornost dostići svoje ciljeve i snove koje sanja još odmalena. Status stipendistkinje ima od prošle godine i od tada

se trudi da u svemu što radi postigne što bolje rezultate. Istiće kako joj je stipendija od velike pomoći i kako naročito voli mjesечne sastanke na kojima pored što ima bezbroj prijatelja, stigne i da se odmori i druži na pravi način.

AJLA SADIKOVIĆ

(Opšta gimnazija Bugojno)

Stipendistkinja Fondacije Hastor je već šest godina. Ove godine završila je Opštu gimnaziju u Bugojnu s postignutom titulom učenika generacije. Najveća želja joj je da u budućnosti postane advokatka, pa shodno tome upisuje Pravni fakultet u Sarajevu. Slobodno vrijeme provodi uz svoj najdraži hobi, a to je čitanje knjiga.

"Za Fondaciju Hastor imam samo riječi pohvale. Stipendiraju me kroz moje školovanje što je veliko olakšanje, kako za mene tako i za moje roditelje. Najbolje od svega su mjesечna volontiranja na kojima sam upoznala mnogo prijatelja za koje čak nisam znala ni da žive u mom gradu."


GENERACIJA DIPLOMANATA I MAGISTRANATA 2016/2017.

Adilović Emina
Andelić Anamarija
Avdić Marizela
Babić Mia
Bitić Sakib
Burko Nejla
Čolić Sanela
Džananović Lejla
Džeko Nejra
Džindo Melisa
Gerin Belmana
Gromilić Zehra
Hajdar Semir
Hebibović Almedin
Hodžić Besida
Horozović Imrana
Ibrić Adnan
Imamović Amra
Karaula Muamera
Karkelja Adna
Kosovac Sadžida

Kovačević Seudin
Kulo Emra
Macić Lejla
Mrđa Marija
Mujačić Zerina
Murga Mirza
Muminović Rijad
Okić Mirza
Otuzbir Džulisa
Prguda Indira
Ramić Lejla
Ruhotina Anisa
Sitnić Rabija
Stranjak Lejla
Šabanović Muharema
Šekelja Ana
Špago Ilhana
Šatara Amina
Terzić Senad
Velić Vahida

imrana horozović

IMRANA HOROZOVIĆ



Imrana Horozović je bila stipendistkinja Fondacije Hastor pet godina, od čega više od dvije godine aktivni član administracije u poslovima koji se tiču održavanja web-stranice i dizajna newslettera Fondacije Hastor. Diplomirala je na Prirodno-matematičkom fakultetu u Sarajevu, stekvaši zvanje bachelor matematičko-softverskog inženjerstva. Trenutno živi i radi u Sarajevu u softverskoj kompaniji, a u planovima za skoriju budućnost ima i upisivanje master studija.

"Podrška Fondacije Hastor znači bezuvjetni oslonac tokom cijelog školovanja koji se ne ogleda samo u finansijskoj pomoći. Prava i neprocjenjiva vrijednost Fondacije su stečena prijateljstva i poznanstva širom Bosne i Hercegovine. Zahvaljujući volontiranju unaprijedila sam svoja znanja i vještine. Iako sam prestala biti stipendista, zauvijek ću ostati volonter i vjerni prijatelj Fondacije Hastor", ističe Imrana.



marija mrđa

marija mrđa

MARIJA MRĐA

"U mom školovanju Fondacija Hastor je imala veliki značaj, prvenstveno zbog finansijske pomoći meni i mojoj porodici, a s druge strane, uvijek sam imala oslonac, podršku i vjetar u leđa."

Marija Mrđa rođena je u Bosanskom Petrovcu, a svoje djetinjstvo provela je u Derventi gdje i danas živi. Nakon što je završila Edukacijsko-

rehabilitacijski fakultet u Tuzli, počinje raditi pripravnički u Centru za socijalni rad u Derventi. Stipendistkinja Fondacije Hastor bila je nepunih deset godina, a stipendiju je dobila još dok je bila u osnovnoj školi. Planovi za budućnost su joj da po završetku pripravničkog rada pohađa seminare i edukacije, te da proširi svoje znanje i izgradi sebe kao potpunu ličnost.

zehra gromilić

ZEHRA GROMILIĆ



Zehra dolazi iz Ključa, a stipendistkinja Fondacije Hastor bila je jedanaest godina. Studirala je na Internacionalnom univerzitetu Burch, na smjeru Genetika i bioinženjering i stekla zvanje bachelor/inženjer genetike i bioinženjeringa. Master studij nastavlja na TU Graz univerzitetu (Technische Universität Graz), master program: Faculty of Technical Chemistry, Chemical and Process Engineering & Biotechnology.

„Fondacija Hastor mi je mnogo značila u svim sferama života, od stečenog iskustva u volontiranju na terenu s djecom, administrativnih poslova, pa do finansijske podrške i novih poznanstava širom naše države.“





emina adilović

EMINA
ADILOVIĆ

Emina dolazi iz Goražda. Poslije završene srednje škole upisuje Filozofski fakultet u Sarajevu, smjer Engleski jezik i književnost gdje je diplomirala 2015. i dobila zvanje bachelora engleskog jezika i književnosti. Master studij je nastavila na istom fakultetu, ali se odlučila za Prevodilački smjer i uskoro treba steći zvanje magistra engleskog jezika i književnosti - Prevodilački smjer. Trenutno radi kao saradnik za komunikacije i društvene medije u UNICEF-u što je, kako kaže, čini jako sretnom jer na direkstan način učestvuje u društvenim promjenama koje trebaju unaprijediti položaj djece u našem društvu te na taj način istovremeno doprinijeti zaštiti njihovih prava. Također radi u Muzeju ratnog djetinjstva gdje je okružena timom ljudi koji joj pružaju izuzetnu podršku i motivaciju, a honorarno drži i časove engleskog jezika u

privatnoj školi jezika gdje radi s mališanima uzrasta od 7/8 godina.

„O Fondaciji mogu pisati danima, ali ono što je najbitnije jeste da velikim dijelom trebam biti zahvalna Fondaciji na svemu što sam do sada postigla. Kroz dugogodišnji volonterski rad sam naučila toliko toga i stekla jako puno iskustva. Kroz rad u Fondaciji naučila sam se odgovornosti i disciplini te međusobnom poštivanju što je nešto što se pored svih ostalih znanja i kompetencija itekako cijeni na tržištu rada. Stipendistkinja Fondacije sam već 10 godina i njihova podrška tokom svih ovih godina je nešto što nikad neću zaboraviti i iskreno se radujem budućim susretima i druženjima jer prestanak trajanja ugovora za mene apsolutno ne znači kraj, već novi, drugačiji početak.“

mirza murga

MIRZA MURGA

„Fondacija Hastor je jedan oslonac u mom životu i ruka podrške od koje sam naučio mnoge stvari i kvalitete i stekao neprocjenjiva prijateljstva.“

Mirza dolazi iz Livna, a stipendista Fondacije bio je devet godina. Tokom ovih devet godina Mirza se pokazao kao vrijedan stipendista i volonter Fondacije Hastor. Volontirao je na svim pozicijama - od administracije do mentorskog rada sa učenicima na terenu. Bio je voditelj Svečane akademije




Fondacije Hastor, a također je učestvovao u svečanom otvorenju Vijećnice gdje su stipendisti Fondacije prisutne goste pozdravili na sedam različitih jezika. Mirza je tom prilikom prisutnim gostima uputio pozdrave dobrodošlice na njemačkom jeziku.

Stomatološki fakultet završio je u Sarajevu i stekao zvanje Doktor dentalne medicine. Trenutno je fokusiran na pronađazak radnog mesta.

BIVŠI STIPENDISTI KAO STALNA PODRŠKA FONDACIJE HASTOR

Fondacija Hastor veliku pažnju poklanja bivšim stipendistima kojima se naročito ponosi. Većina njih nakon gubitka statusa stipendiste ostaje dio Fondacije u svojstvu volontera, ili čak novih donatora. Jedan od pozitivnih primjera su svakako naše bivše stipendistkinje Nermina Imamović i Samra Bećić.



“Poštovanje i povezanost s Fondacijom Hastor ne prolazi podizanjem zadnje stipendije s računa. To je nešto što ostaje u nama, prateći nas cijeli život.”

Samra Bećić i Nermina Imamović bivše su stipendistkinje Fondacije Hastor, rođene i nastanjene u Kalesiji. Činjenica da su još prije skoro tri godine, završetkom studija prestale biti stipendistkinje nije ih spriječila da ostanu važnim dijelom Fondacije Hastor. Naime, Samra i Nermina, iz zahvalnosti prema Fondaciji, odlučile su ostati volonterke Fondacije i na taj način doprinijeti njenom radu. U svojstvu volonterski nastavile su mentorski rad s učenicima stipendista Fondacije Hastor na prostoru Kalesije.

Trenutno najveći dio vremena provode završavajući fakultetski staž, te pripremajući se za nove životne staze. Nermina je diplomirala na Tehnološkom, a

Samra na Edukacijsko-rehabilitacijskom fakultetu. Kažukako kroz volontiranje sa stipendistima ponovno oživljavaju sebe i dobijaju snagu za dalje. Volonterske sastanke prilagođavaju učenicima onoliko koliko je to u njihovo mogućnosti. Praktikuju aktivan timski rad na sve teme, kako obavezne, tako i slobodne, zapisivanje vlastitog mišljenja kao i veliki naglasak na poboljšanje prosjeka učenika uz zajednička učenja, vježbe i ponavljanja.

“Ostala sam volonter prvenstveno zbog Fondacije, jer svaki stipendista zna da ima oslonac do kraja života. U jednu ruku, to je najmanje što mogu učiniti da se zahvalim za stalnu podršku Fondaciji i da ujedno budem i primjer novijim generacijama”, zaključuje Samra.



■ USPJEŠNE PRIČE BIVŠIH STIPENDISTA

AIDA RIBIĆ

„Podrška Fondacije Hastor je uvijek bila prisutna i osjetna od mog prvog kontakta s članovima Fondacije. Poznanstva i drugarstva koja sam stekla u tom vremenu veoma cijenim. U toku vremena kada sam ja bila stipendista imali smo mjesecne sastanke, zajedničke izlete i druženja koja su uvijek dobro došla kao oslonac, razonoda, pouka.“



Aida dolazi iz Konjica gdje trenutno živi i radi. Završila je Medicinski fakultet u Sarajevu, a trenutno je zaposlena u Domu zdravlja u Konjicu. Stipendistkinja Fondacije Hastor bila je nepunih 6 godina.

USPJEŠNE PRIČE BIVŠIH STIPENDISTA



SELMA SKOPLJAKOVIĆ

Selma Skopljaković stipendistkinja Fondacije Hastor bila je četiri godine. Rođena je u Zvorniku, a odrasla u Tuzli. Završila je Prirodno-matematički fakultet u Sarajevu na Odsjeku za matematiku, smjer Teorijska kompjuterska nauka. Trenutno je zaposlena u QSS firmi u Sarajevu i radi kao softver inženjer.

U Fondaciji Hastor je stekla dosta iskustva radom s učenicima, radom u administraciji, rješavanju određenih zadataka, a radom na dvije aplikacije za Fondaciju obogatila je svoj CV.

Kao studentici bez radnog iskustva, te dvije aplikacije su se pokazale kao odlično iskustvo.

„Fondacija Hastor je bila moja prilika koju sam iskoristila. Zahvalna sam što sam bila stipendistkinja, a i na iskustvu koje sam stekla radeći s ljudima u toku te četiri godine. Upoznala sam dosta ljudi iz svih krajeva naše zemlje. Dijelili smo svoja iskustva, brige, želje, uspjehe i dostignuća. Uz to sve smo volontirali i kroz taj rad i trud uspjeli smo da završimo svoje obaveze što bolje i naučili smo šta znači timski rad, snaga dobrog lidera, proaktivno djelovanje, pomaganje nekome ili biti potpomognut i podržan, te kako se nositi s kašnjenjem u obavljanju nekih obaveza. Obrazovanje je puno više od samog školovanja, a Fondacija je to omogućila.“



RIJEČ UČITELJA

odgajati ni suca, ni vojnika,
nego čovjeka!



Za one koji ne znaju: „Neka uče!“ Za one koji znaju: „Neka uče da znaju više!“ Znanja nikad nije previše. Učiti treba iz prirode, iz razgovora s ljudima, a i iz knjiga. Znanje imati je puno bolje nego materijalna dobra. Materijalna dobra kad čovjek uvećava, sve je opterećeniji, a kad uvećava znanje život mu je lijepši, lakši, interesantniji. Potrebna su i materijalna sredstva, ali u ograničenim količinama. To me prisili na razmišljanje pa se sjetih jedne stare latinske izreke: „Čovjek je čovjeku vuk.“, a onda i rečenice pisca Maksima Gorkog: „Čovjek, kako to gordo zvuči.“ Sjetih se onda rečenice velikog pedagoga Žan Žak Rusoa: „Odgajati ni suca, ni vojnika, nego čovjeka!“

Kao učitelj, učio sam djecu kako da postanu ljudi, a kao volontер Fondacije Hastor odlučio sam nastaviti ukazivati mladim osobama kako da postanu ljudi u pravom smislu te riječi. Prvo, da ne mrze druge i drugčije, a onda da vole druge i drugčije, da pomognu i pomažu prema svojim mogućnostima sve one kojima je pomoći potrebna; da stječu znanja, da se školuju, da postanu akademski građani. Kako je to bio cilj i osnivača Fondacije Hastor bilo mi je lakše pristupiti realizaciji svoje odluke.

Na volonterskim sastancima stipendista Fondacije Hastor govorio sam i govorim im da pomažu drugima bez obzira ko su ti drugi ako im je pomoći potrebna, ali i da uče i stječu znanja. Ubijedjen sam da ovu zemlju mogu pokrenuti naprijed samo obrazovane mlade ličnosti, nesebične, plemenite i dobromjerne. Zato sam prelazio i prelazim stotine kilometara dnevno da bih se pridružio sastancima stipendista Fondacije Hastor i ukazao im kako se postaje čovjek.

U prirodi sam video kako se drvo na drvo naslanja, kako se ptice pomažu, kako se životinje pomažu među sobom, a i ljudi su pokazivali kako pomažu jedni drugima. Govorili su mi i kako je neko nekome pomogao. Čitao sam i knjige iz kojih sam saznao kolika je radost kad osjetiš zadovoljstvo kod osobe kojoj si pomogao.

Sva ta moja saznanja prenosio sam i prenosim i dalje stipendistima Fondacije Hastor i uživam u plodovima svoga rada, jer vidim iz godine u godinu sve više mlađih osoba koje se ponašaju kao ljudi u pravom smislu te riječi, završavaju fakultete, zapošljavaju se i ostaju pri Fondaciji Hastor, ali sad ne kao stipendisti, već kao donatori.

A to je i želja i dio cilja osnivača Fondacije Hastor. Želim da stipendiste Fondacije Hastor naučim toleranciji i da im omogućim da upoznaju jedni druge. Želim da postanu samosvjesni lideri u svojim zajednicama, jer samo osobe koje prođu određene edukacije i koje pokažu interes za uspostavljanje boljeg života ljudi, mogu biti osobe kojima se može povjeriti liderstvo, a one će izvršiti promjene u okvirima društva kojima se nastoji riješiti problem današnjice - nezaposlenost i siromaštvo. Želja mi je pružiti šansu mladima da svojim uspješnim školovanjem kao i volonterskim radom učestvuju u razvijanju lokalnih zajednica i vlastitih resursa. Meni je vrijeme koje odvojam, kao i sve pripreme za predavanja koja obavljam sa stipendistima, nemjerljivo uporedivši s osmijehom na licima i pokazanim zadovoljstvom tih mlađih ličnosti.

PRIDRUŽITE NAM SE

Na adresu Fondacije Hastor godišnje pristigne preko 2000 molbi za stipendiranje. Svjesni teške socio-ekonomsko-situacije u kojoj se bosanskohercegovačko društvo nalazi, shvatamo da ne možemo ispuniti snove svakog učenika pa smo, stoga, teška srca prisiljeni odbiti veliki broj molbi za stipendiranje. Naša misija iz godine u godinu jeste osigurati sredstva za stipendiranje što većeg broja učenika i studenata i time povećati broj stipendista, te pružiti priliku što većem broju mlađih ljudi da steknu obrazovanje i postanu lideri u svojim zajednicama. Na tom putu potrebna nam je podrška što većeg broja prijatelja, te stoga pozivamo sve pojedince i skupine koji žele pomoći školovanje djece i mlađih u Bosni i Hercegovini da nam se pridruže.

V
O
L
O
N
T
E
R

I
F
O
N
D
A
C
I
J
E

H
A
S
T
O
R

Aganspahić Sead
Agović Denis
Agović Jasmin
Ahmetović Edin
Bajgorić Muamer
Bečić Samra
Bećar Enisa
Čalaš Ajla
Delić Sanel
Džanko Nermin
Gagula Refija
Hadžić Hasan
Hadžić Mehmedalija
Hadžiselimović Eldin
Hasagić Emina
Hastor Fadila
Hastor Ramo
Hodžić Merima
Imamović Nermina
Jazvin Almir
Karić - Huseinović
Sanela
Karović Esada
Kučuk Adisa
Lazović Edina
Lazović Nejla
Mehmedović Maja
Merdić Alem
Mukača Almir
Palić Safet
Peršić Vedran
Planinčević Nermina
Porobić Jasmin
Pulić Mirza
Redžepović Aida
Redžepović Samir
Rifelj Aida
Salkić Aida
Sarajlić Haris
Savić Darko
Serna Irena
Smajić Nermina
Suljić Inas
... i mnogi drugi.

Čuli ste za rad Fondacije Hastor i želite se uključiti?



Kontaktirajte nas putem maila ili telefona

ODLUČILI STE DA PODRŽITE NEKOG OD NAŠIH STIPENDISTA?

Godišnji izvještaj o
uspjehu stipendista



Organizovaćemo sastanak i predstaviti
načine na koje se možete uključiti

druženje sa stipendistima



KRAJ ŠKOLOVANJA STIPENDISTE ZAJEDNO SLAVITE USPJEH I POTENCIJALNO
UPOŠLJAVATE STIPENDISTU U SVOJOJ KOMPANIJI



kako postati donator?

Ukoliko želite podržati rad Fondacije Hastor, uplatu donacije možete izvršiti na jedan od transakcionih računa:

- ASA Banka dd Sarajevo: [1346101000825159](#)
- Unicredit Bank dd Sarajevo: [3389002201775656](#)
- Raiffeisen bank BIH dd Sarajevo: [1610000055230065](#)

KLUB PRIJATELJA

Tokom proteklih jedanaest godina način rada, sistem i model Fondacije Hastor konstantno se usavršavao. Zahvaljujući svojoj jedinstvenoj misiji ova fondacija je vrlo brzo postala poznata širom Bosne i Hercegovine, a broj njenih stipendista rastao je iz godine u godinu. Zahvaljujući ustrojstvu, transparentnosti i nadasve predanosti svojoj misiji, Fondacija Hastor prepoznata je od strane domaćih i stranih aktera koji su svoju društvenu

odgovornost odlučili usmjeriti ka obrazovanju kao najvrednijem oružju na putu stvaranja promjena. Ubrzo su misija i moto Fondacije Hastor okupili veliki broj donatora koji su se pridružili našem Klubu prijatelja koji je, poput broja stipendista, s godinama rastao. Svi rezultati i uspjesi kojima se danas ponosimo ne bi bili ostvarivi bez konstantne podrške našeg Kluba prijatelja na čemu smo izuzetno zahvalni.





FONDAJA

HASTORIA

